

Abonnement pour un an:

250 piastres

Edition spéciale 300 piastres

Adresse:

Idjtihad Constantinople

Téléph-St, 865

XXème ANNÉE

1 Novembre 1924 — No 171

اجتهاد

فلسفې ، اجتماعي ، ادبي ، اقتصادي مجموعه

آونمان: سنه لې [۲۴ - نسخه]

داخل ایچون ۰ ۲ خارج ایچون

۲ ۱/۲ اعلا کاغذی ۵ ایرادر .

اداره خاصه

جفال اوغلانده « اجتهاد ثوی »

تلفون: استانبول ۸۶۵

یکرمینجی سنه

نومرو ۱۷۱ - ائشرین ثانی ۱۹۲۴

ینه همشیره مزی یاخود قیزمزی اونا تزویج ایتمه تی تصور
بیله ایده مه یز . تعصب هانکی طرفه در ؟ « دیمشده ک .

سبیل الرشاد ، خصمی عد ابتدکی (اجتهاد) ه
غلیظ کله ردن باشقا بر شیه هجوم ایده میور . مناسرتلی
اسماعیل حق افندی مرحوم (صراط مستقیم) ده ،
بزه علی الدوام زندیق ، بدطینت ، لعین ، خبیث دیمکه
بر تنقید علمی یادیغنه قائل اولوردی . تتومنامه سندن
برینه شو کله لرله باشلا یوردی :

Dozy نام درزی نک (تاریخ اسلامیت) نام کتاب
ملعت نصابی ترجمه و (مصر) ده نشر ایدن (اجتهاد) جی
زندیقنک الخ .

رجا ایدرم نزاکت و نزاهت واک ابتدائی تربیه بویه
کله ر استعمالیه قابل تألیفمیدر . وبر اثری تحلیل و تنقید
بویه باصمه قالب ، الفاظ شتومیه صرفیه می یاپلیر ؛ (لایدن)
دار الفنوننده تاریخ مدرسی و برقاچ اجنبی آقاده میالرینت
اعضای مخبره سندن اولان پروفه سسور دوقتور (دوزی) نک
(تاریخ اسلامیت) آدلی بر اثرینی ترجمه ایدیورز ،
بوندن دولای نه دن بو قدار دشنامه لایق اولام . اثرده
خطا و ارسه کال نزاهت و نزا کتله کوسته ریلیر . مؤلف ،
مترجم و بونلرک قارئری تنویر و ارشاد اولونور . « مسلم
اودر ، که ناس ، لندن ولساندن هیچ بر تجاوزه معروض
اولمز » حکمی ، بر حدیث شریف صحیحدر . جریده اسلامیه
اولدیغنی سویله یین (سبیل الرشاد) ک مسلم محررلری نک
دیللرندن مصون التجاوز اولماق آنجا ق کندیلری کیبی
دوشونلره ویا هیچ دوشونمه یلره نصیب اولان بر
امتیازدر . بالقان محاربه سندن صوکره طلعت پاشامرحوم

(سبیل الرشاد) ه جواب

کچن آی نسخه لرینک برنده مندرج (شابقه) پروباغانداسی
باشلادی) عنوانی مقاله سنده سبیل الرشاد جریده اسلامیه سی
« دین اسلامک ازلی ابدی دشمنی » کله لرله بزی قدح و تشذیع
ایتدیکدن صوکره « اجنبی لره قیزلرمزی نیچون تزویج
ایتمه یورز » دیور دیهرک یازیمزی تحریف و بزه برده افترا
ایدیور ایدی .

جوابمزی قصه اولماق مجبوریتنده در : بزه دین اسلامک
دکل دین اسلامده وهر دینده موجود اباطیلک دشمنی یز ؛
چونکه بو اباطیل انسانیتی ترقیدن منع ایدر ، سعادت و رفاه
طاماسنه انکل اولور و افراد و امی ، بعضاً جنوارلر کی
یکدیگر لرینه بوغدورور .

مسلمانلقد یوکسک فضیلت و ترقی پردنسیپلری نک
بولوندیغنی و بونلری تجیل ایتدیکمزی سویله مهیه حاجت
یوق : (جهان اسلامه دائر) عنوانی کوچوک برساله مزده ،
اسلامده کی یوکسک و ترقی و تمدنه سائی احکامی تلخیص
ایتمشدر . فقط بو احکامک منحصر آمال اسلام اولمادیغنی ده
بیلمه لی یز . حضرت محمدن بر قاچ بیک سنه اول یاشایان
(Zénon) ده (Piine) ده (Bouda) ده دخی
بو احکام و افکار عالیه موجوددر . فقط بر دین ایچون
ادیان سائرته نک یوکسک پردنسیپلری استجناس ایتک : ه
بر مزیت و فضیلتدر . اجنبیلره ازدواج مرئه سنه کلنجه
« بز اوروپالیری متعصب و کندمزی مساعفه کار عد
ایده رز ، حالبو که بر اوروپالی اخلاق فاضله صاحبی
بر مسلماننه ، قیزی تزویج ایتکده تردد ایتیمور ؛ بز بر
اجنبی یه ، بواجنبی بحسم فضیلت بر انسان کامل اولسه بیله ،

ورققاسی بر (مدافعه ملیه) مؤسسه سی وجوده کتیردیلر.
 بو مؤسسه مختلف انجمنلردن متشکلدی. بز دخی هیئت
 ارشاده دنیلن برانجمنه اعضا انتخاب ایدیلشده انجمنده ازجه
 آخوره اوغلو یوسف، احمد جواد، محمد عاکف بکلرده
 واردی. بر کون اجتماعده محمد عاکف بک بزى کوسته
 رهرك بنم المدين کلسه بو آدمی تپهرلم فقط مملکته خدمت
 نامنه جاغریلديغ ایچون مع الکراهه اونجه بر مجلسده
 بولونیورم (دوزی) نك کتابی ترجمه ایدن بر آدامک
 حضوری قادار بانا عذاب اولماز دیدی. بونک تفصیلاتی
 عنعنه سیله ۶۵ نومرولو (اجتهاد) ده (ظالم مظلوماره)
 عنوانی مقاله مزده بولورسکنز. دیمک بو مسلمان شاعرك
 لسانندن ده النندن ده ناس مصنون التجاوز اولمایاجاق.
 بویله مسلمانلغک ناصل تبجیلکاری اولاییرز؟ مسلمانلق
 اساسنده ساده و صافدر: حضرت محمد «قل آمنت بالله
 ثم استقم» یعنی «اللهه ایناندم دی صوکره مستقیم اول
 ایشه اوقادار» بیورور. انسان کامل اولماقده تماماً بو
 دکلیدر؟ اللهه اینانمایه کلنجه هرکسک اللهه اینانماسی وسعت
 ورفعت ادراکنه کوره در. اللهی سننک اللهکک عینی
 اولمایان بر آدم ملحد دکلدر. بر آیت کریمه ده «اللهه
 ایسته دیکنی دوغرو یوله، ایسته دیکنی اکری یوله سوق
 ایدر» بیورلمشدر سبیل الرشاد جیلره بر لحظه ایچون منطق
 وعقل سلیم استعمال ایتله رینی رجا ایده جکز. مادام، که
 بزده هدایت وضالات طریقلرندن برینی اتخب حریتی یوقدر.
 الله ایسته دیکنی عزیز، ایسته دیکنی ذلیل قیلار. اگر
 بز متضال ایسه ک بویله اولماز مراد اللهی نتیجه سیدر؛
 ضیالات وطفیان طریقنده بولونمازندن مسئول اللهک
 کندیمی در و آنجاق اونک معاتب طوتولماسی لازم کلزمی؟
 محترم سبیل الرشاد افندییه صوریورز: الله شری مراد
 ایدرمی؟ اگر مراد ایدرسه بنم مراد اللهی به رغماً خیرکار
 قالمم ممکنمی در؟ اگر شری مراد ایترسه شرک تیچون
 خالقیدر؟ (عمر خیام) یکی کشف ایتدیکمز وهنوز
 هیچ بر (رباعیات) مجموعه سنده انتشار ایتمین بر رباعی سنده
 دیور، که «الله جنتی یاراتدی، آدمی یاراتدی آرقه.
 سندن شیطانی یاراتدی، آدمی اونک دام اغفانه دوشوردی
 آدم منوع میوه میییدی آدمک یوزی، کنامدن سیاه اولدی.

اللهدن مغفرت ایسته؛ فقط بو مغفرتی، اللهک یوزینه
 چارماق ایچون آل! [۱]

بونه مدهش منطق در بونه آتشدن لساندر! بونده
 طاشلره تأثیر ایده جک بر منطق قدرتی وار؛ بو قدرت
 سبیل الرشاد جی افندیلره عجب تأثیر ایتزمی؟ بز اونلر کی
 دوشونمه دیکمز ایچون اونلر بزى آللرندن کلسه تپله یه.
 جکلرینی سویله یورلر. فقط اونلر بزم کیبی دوشونمه دکلری
 ایچون بز اونلرک بر اونلرینک بیله قاناماسنه راضی دکلز؛
 بز اونلری ینه انسانلق و وطن قارداشی. بیلیرز، کندیلری
 ایچون عقل و منطق فیضی واسارت فکریه دن خلاص تیی
 ایده رز. اونلره آجیرز. ایشه بزمله اونلر آرمسنده کی
 فرق بودر. بو فرق هانکی طرفک لهنده در؟ قارئمرز
 بولسونلر. بز اونلرک اینانیدیقلری جنته اینانمیورز؛ بز
 اونلرک اینانیدیقلری جهنمه اینانمیورز. اونلر فنالق
 ایشله میورلر ایسه چونکه جهنمدن قورقیورلر. اونلر نماز
 قیایور، تسبیح چکیور، اوروج طوتیورلر، حجه کیدیورلر
 ایسه بونلره کندیلرینه جنت، حوری و غلمان تأمین ایدیورلر.
 جهنمدن قورقدینی ایچون و بالکنز بونک ایچون فنالق
 یاپمایان آدم ینه فنادر. آنجاق مکافات اخرویه تأمین
 مقصدیله ای اولان آدم حقیقنده ای دکلدر. بز ایسیکی
 ای اولدیغیچون یابارز؛ فالغی، فنا کوردیکمز ایچون
 یاپماقندن امتناع ایده رز. بزم دینز دین محبت در، دین
 اخلاص در. بزم پیغمبرمز عقل سلیم و حسن سالم در. بزم
 شایان مرحمت معارضلرمز، بویونلنده عم جزئی طور به سی
 آصیلی محله مکتبلرینه کیدوب کلدیکلری زمان بیله بز:

جبریل آیت آورما حسن سرمد یست
 عرش دلست منزل ام الکتاب ما [۲]

دیورددق.

دوقتور عبدالله جودت

دوقتور فخرالدین کریم بک ورم مجادله سی و ستانور بوملر
 مقاله سی کلجک نسخه مزده دوام ایده جک.

[۱] (رباعیات خیام و تورتجه یه ترجمه لری) عنوانی کتابتک
 بودنه بر جوق رسملره تزیین و تماماً یکیدن ترتیب واکال ایدیلره رک
 مطبعه یه ویریش اولان ایکنجی طبعنده بونک و بونک کیبی نیجه
 عقل سلیم جواهر و زواهرینک شرح و تشریری کوروله جک در.
 [۲] ع. ج. قهریات.